

## **CONVENIO ENTRE A CONSELLERÍA DE POLÍTICA SOCIAL E IGUALDADE E O COLEXIO PROFESIONAL DE XORNALISTAS DE GALICIA, PARA A FORMACIÓN DAS E DOS PROFESIONAIS DOS MEDIOS DE COMUNICACIÓN SOBRE PERSPECTIVA DE XÉNERO E PREVENCIÓN DA VIOLENCIA CONTRA AS MULLERES, NO MARCO DO PACTO DE ESTADO CONTRA A VIOLENCIA DE XÉNERO**

De conformidade co Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, Dirección Xeral de Loita contra a Violencia de Xénero, como órgano de dirección da Consellería de Política Social e Igualdade correspóndelle Impulsar as actuacións conducentes á eliminación da violencia de xénero nos termos establecidos na Constitución, no Estatuto de autonomía de Galicia, na Lei 7/2023, do 30 de novembro, para a igualdade efectiva de mulleres e homes de Galicia, na Lei 11/2007, do 27 de xullo, galega para a prevención e o tratamento integral da violencia de xénero, e na demais lexislación aplicable na materia.

A Lei 11/2007, do 27 de xullo, galega para a prevención e o tratamento integral da violencia de xénero, recolle a necesidade de velar por un tratamento axeitado da información no referido á violencia de xénero en Galicia, dedicando os seus artigos 9, 10 e 11 ao tratamento da violencia de xénero nos medios de comunicación. Nestes artigos prevese que a Xunta de Galicia garantizará que os medios de comunicación de titularidade pública e aqueles outros nos que participe ou financie, non emitan imaxes ou contidos que resulten contrarios á finalidade e espírito da propia lei.

Ademais, o artigo 6 da mesma Lei 11/2007, establece que o departamento competente en materia de igualdade, en coordinación cos restantes departamentos da Xunta de Galicia, porá en marcha de xeito periódico, campañas de información e sensibilización que teñan como obxectivo mudar os estereotipos sexistas, e que incidan no rexeitamento social sobre todas as formas de violencia de xénero.

O Plan conxunto plurianual en materia de violencia contra as mulleres (2023-2027) recólle na súa a Actuación 1.4.02 "ofrecer formación sobre perspectiva de xénero e prevención da violencia contras as mulleres aos profesionais dos medios de comunicación, publicidade e novas tecnoloxías, garantindo a implicación dos colexios profesionais de periodistas como actores fundamentais da sociedade da información e a publicidade e na Actuación 1.4.03 "xerar boas prácticas, materiais e sistema para a avaliación e mellora continua da información de todas as formas de violencia contra as mulleres".

DIRECCIÓN XERAL DE LOITA CONTRA A VIOLENCIA DE XÉNERO  
CONSELLERÍA DE POLÍTICA SOCIAL E IGUALDADE  
Complexo Administrativo de San Lázaro  
Edificio Administrativo s/n  
15781 Santiago de Compostela  
T. 981 957691

[igualdade@xunta.gal](mailto:igualdade@xunta.gal)



A Lei 7/2023, do 30 de novembro, para a igualdade efectiva de mulleres e homes de Galicia adica todo o seu capítulo IV a Igualdade de xénero e medios de comunicación (artigos 54 a 60) e en concreto o artigo 58 que leva por título Formación en igualdade establece que a Consellería con competencias en materia de igualdade organizará actividades formativas dirixidas a profesionais da información coa finalidade de que adquiran as habilidades e coñecementos necesarios para que, no exercicio da súa profesión transmitir unha imaxe igualitaria e plural e non estereotipada de mulleres e homes.

Os medios de comunicación teñen a obriga social de ser unha ferramenta para denunciar a violencia machista, concienciar á sociedade e servir de canle de difusión de mensaxes que contribúan á solución deste grave problema. A formación das e dos profesionais dos medios de comunicación para o exercicio dun xornalismo responsable e con perspectiva de xénero axuda na prevención da violencia de xénero e en última instancia na protección das vítimas.

O 26 de febreiro de 2025 o pleno do Congreso dos Deputados aprobou de maneira case unánime a renovación e actualización do Pacto de Estado contra a Violencia de Xénero.

No seu epígrafe 1.3 denominado *Comunicación e Medios* insta a desenvolver medidas como a formación especializada en violencia de xénero para os e as profesionais dos medios de comunicación (medida 54), así como a establecer un acordo marco para a correulación, a especialización e a formación de profesionais dos medios de comunicación e publicidade fomentando a perspectiva de xénero e un tratamento da información sobre a violencia contra as mulleres que non xustifique, banalice ou incite á violencia contra elas, que elimine estereotipos sexistas e que fomente a corresponsabilidade no ámbito doméstico (medida 55).

O Colexio Profesional de Xornalistas de Galicia ten entre as funcións recollidas no artigo 3 dos seus Estatutos, as de "exercer cantas funcións lle sexan encomendadas pola Administración e colaborar con ela mediante a relación de estudos, emisión de informes, elaboración de estatísticas e outras actividades relacionadas cos seus fins que poidan serlle solicitadas ou acorden formular por propia iniciativa", así como as de "organizar cursos para a formación, actividades e servizos comúns profesionais para as persoas colexiadas".

A través deste convenio levaranse a cabo as seguintes actuacións:

1. Xornada de reforzo ás formadoras. Se realizará unha xornada de formación antes de iniciar os obradoiros nos medios impartida pola profesora Isabel Menéndez.
2. Obradoiros nas redaccións. Nove obradoiros impartidos nas redaccións dos medios polo equipo de formadoras cunha duración aproximada de 3 horas cada un.

DIRECCIÓN XERAL DE LOITA CONTRA A VIOLENCIA DE XÉNERO  
CONSELLERÍA DE POLÍTICA SOCIAL E IGUALDADE  
Complexo Administrativo de San Lázaro  
Edificio Administrativo s/n  
15781 Santiago de Compostela  
T. 981 957691

[igualdade@xunta.gal](mailto:igualdade@xunta.gal)



3. Coordinación e reforzo. A profesora Isabel Menéndez encargárase de coordinar e impartir sesións de reforzo no medio dos obradoiros para resolver dúbidas e problemas que puideran xurdir no seu desenvolvemento.

4. Maquetación e impresión do manual de estilo. Maquetación e impresión do manual de estilo: *Violencia contra as mulleres nos medios de comunicación: Libro de estilo para xornalistas*. Realizarase unha distribución dixital e impresa que se porán a disposición tanto na web do Colexio de Xornalistas, como nas súas redes sociais así como no Boletín do Colexio de Xornalistas, e farase unha distribución do manual entre todas as persoas asistentes aos obradoiros, xornadas e porase a disposición de todos os e as profesionais da comunicación que o soliciten.

Ambas distribucións tamén se enviarán á Dirección Xeral de Loita contra a Violencia de Xénero.

Por todo o exposto a Consellería de Política Social e Igualdad e o Colexio Profesional de Xornalistas de Galicia consideran de interese o establecemento de accións conxuntas de sensibilización e formación en materia de igualdade e de loita contra a violencia de xénero. Con ditas accións cúmprese cun obxectivo de utilidade pública e de interese social, xa que se está a concienciar á sociedade sobre a importancia e necesidade que supón a participación das mulleres en todos os ámbitos, así como tamén de erradicar calquera forma de violencia de xénero.

Santiago de Compostela, na data da sinatura dixital

O director xeral de Loita contra a Violencia de Xénero

Roberto Barba Alvedro

DIRECCIÓN XERAL DE LOITA CONTRA A VIOLENCIA DE XÉNERO  
CONSELLERÍA DE POLÍTICA SOCIAL E IGUALDADE  
Complexo Administrativo de San Lázaro  
Edificio Administrativo s/n  
15781 Santiago de Compostela  
T. 981 957691

[igualdade@xunta.gal](mailto:igualdade@xunta.gal)

